

## Ягонасан, муқаддас Ватаним, севги ва садоқатим сенга бахшида, гўзал Ўзбекистоним!

### Қудратли юрт фарзандлари

Ҳар бир ота-она фарзанди соғлом бўлиб улғайишни, бахтли ва фаровон ҳаёт кечиришни, эл-юртга хизмат қиладиган фидойи инсон бўлиб вояга етишни орзу қилади. Айниқса, болам деб яшайдиган халқимизнинг ўзига хос фазилати ҳам, энг эзгу нияти ҳам, мақсад-муддаоси ҳам ана шу.

Буюк келажагимиз бунёдкори бўлган навқирон авлодни ҳар жиҳатдан соғлом ва баркамол этиб тарбиялаш давлат сиёсатининг муҳим йўналишига айланган. Президентимиз Ислам Каримов таъкидлаганидек, ниманики ўз олдимизга мақсад қилиб қўймайлик, қандай буюк ишларни амалга оширишга интилайлик, барча олижаноб ҳаракатларимизнинг негизига, барча эзгу ниятларимизнинг замирида фарзандларимизни ҳам жисмонан, ҳам маънавий жиҳатдан соғлом этиб ўстириш, уларнинг бахту саодати, фаровон келажагини кўриш, дунёга ҳеч кимдан кам бўлмайдиган авлодни тарбиялаш орзуси мужассамдир.



Ватанимиз мустақиллигининг 23 йиллигини кенг нишонлаш мақсадида бутун юртимиз бўйлаб "Ягонасан, муқаддас Ватаним, севги ва садоқатим сенга бахшида, гўзал Ўзбекистоним!" деган эзгу вояни ўзида мужассам этган ранг-баранг байрам дастурлари намойиш этилмоқда, турли маданий-маънавий ҳамда тарғибот-ташвиқот тадбирлари ўтказилмоқда.

### Mustaqilligimizning 23 yilligi oldidan

## Инсон ҳуқуқ ва манфаатларини таъминлаш — устувор вазифа

Бу беиз эмас, албатта. Зотан, Истиқлолнинг буюк ютуқларидан бири — юртимизда тарихан қисқа муддатда миллий давлатчиликнинг ҳуқуқий пойдевори яратилгани билан бугун ҳар қанча фахрланасан арзийди. Утган даврда ана шу мустақкам ҳуқуқий пойдевор асосида ҳаётимизнинг барча соҳаларида туб ислохотлар амалга оширилди, давлат ва жамиятнинг таркибий тузилиши модернизация қилинди ва янгиланди.

Ўзбекистон Республикаси инсон ҳуқуқларига доир етмишдан зиёд халқаро ҳужжат, Бирлашган Миллатлар Ташкилотининг бу соҳадаги асосий халқаро шартномалари иштирокчиси ҳисобланади ва ўз зиммасидаги халқаро мажбуриятларини изчиллик билан бажариб келмоқда.

(Давоми учинчи бетда)

## ҚАДДИН КЎРИНГ ЎЗБЕКИСТОН БОЛАЛАРИНИНГ

Мамлакатимизда спортни, жумладан, болалар спортини ривожлантириш борасидаги ишлар юксак самаралар бермоқда

Бу жараёнда баркамол авлодни тарбиялашнинг энг муҳим ва самарали омил бўлган болалар спортини ривожлантириш борасида амал-

га оширилаётган ишлар муҳим ўрин тутмоқда. Юртимизнинг шаҳару қишлоқлари кўрмага кўрқ бағишлаб турган мухташам спорт иншоотлари

ўғил-қизлар саломатлигини мустаҳкамлаш, уларни жисмоний тарбия ва спортга, соғлом турмуш тарзига кенг жалб этишга хизмат қилмоқда.

Ўзбекистон Болалар спортини ривожлантириш жамғармаси маълумотларига кўра, жорий йилда 163 объект, жумладан, 115 болалар спортини иншоотини қуриштириш ишлари кўзда тутилган. Утган ойларида Андижон, Бухоро, Наманган, Самарқанд ва Хоразм вилоятларида бир неча болалар спортини иншоотини қуриш ишлари якунланди. Эътиборлиси, мазкур иншоотларнинг барчаси қишлоқ жойларда барпо этилди.

Фойдаланишга топширилган объектларни спорт инвентарлари билан жиҳозлашга 4 миллиард 647 миллион сўм, 2004-2012 йилларда фойдаланишга топширилган болалар спортини иншоотлари, мактаб спорт заллари ва сузиш хавзаларини қайта жиҳозлаш учун 16 миллиард 950 миллион сўм миқдорига маблағ ажратилган бўлиб, уларни янги ўқув йилига қадар жойлардаги иншоотларга тўлиқ етказиб бериш кўзда тутилган. Шу йилнинг 1 июль ҳолатига жиҳозлаш дастури бўйича 2,1 милли-

ард ва қайта жиҳозлаш дастурига асосан 6,4 миллиард сўмлик спорт анжомлари худудларга етказиб берилди. Мамлакатимизда 2003 йилда жами ўқувчи-ёшларнинг 20,4 фоизи спорт билан шуғулланган бўлса, ҳозир рақам 45,5 фоизни ташкил этади.

— Болалар спортини иншоотларида ўғил-қизларимиз нафақат саломатлигини мустаҳкамламоқда, балки халқаро миқёсдаги мусобақаларда муваффақиятли иштирок этиб, Ватанимизнинг обрўсини юксалтирмоқда, — дейди Ўзбекистон Болалар спортини ривожлантириш жамғармаси ижрочи директорининг ўринбосари Акмал Бобонов. — Жамғармаимиз маблаг ҳисобидан 2014 йилнинг ўтган даврида 8 спортчиларимиз Германия, Австрия, Италия, Франция, Россия, Хитой, Таиланд ва Қозоғистон каби давлатларда ўтган мусобақаларда иштирок этиб, 4 та олтин, 7 та кумуш ва 15 та бронза медални қўлга киритди.

(Давоми иккинчи бетда)



Юртимизда аҳолининг турмуш фаровонлиги тобора юксалиб, кундалик эҳтиёжимиз учун вояда муҳим ўрин тутадиган транспорт воситаларининг сони ҳам кун сайин ортиб бормоқда. Албатта, узоғимизни яқин, мушқулмизни осон қиладиган транспорт воситалари сонининг ортиб бориши халқимиз учун кўпга қулайликларни яратиши баробарида йўл ҳаракати иштирокчиларидан алоҳида ҳушёрлик ва диққат-эътиборни талаб этади.

### Saboq

## Йўл ҳаракати қоидалари

унга қатъий амал қилиш хавфсизлигимиз кафолати эканини унутмайлик

Айтиш жоизки, автомашина бошқаришда йўл ҳаракати қоидаларига қатъий риоя қилиш ҳам ҳайдовчи-

нинг, ҳам пиёданнинг хавфсизлигини таъминлайди.

(Давоми тўртинчи бетда)

### Qonun ko'magi

## Ҳар бир мурожаат эътиборда

улар қонун доирасида ҳал этилмоқда

Мамлакатимизда мустақилликнинг дастлабки кунларидан Президентимиз томонидан бозор иқтисодиётига асосланган ҳуқуқий демократик давлат барпо этиш ва фуқаролик жамиятини шакллантириш вояси илгари сурилди. Шу асосда миллий анъаналар, муқаддас қадриятларимиз ҳамда халқаро ҳуқуқ нормаларини ўзида мужассам этган Конституциямиз қабул қилинди. Истиқлолнинг ўтган даврида қонунчилик тизимида олиб борилаётган изчил ислохотлар, энг аввало, инсон ҳуқуқлари ва эркинликлари кафолатларини таъминлашга қаратилмоқда.

Айтиш керакки, Сурхондарё вилояти адлия бошқармаси томонидан ҳам фуқароларнинг Конституция ва қонунларда мустаҳкамланган ҳуқуқлари, эркинликлари ҳамда қонуний манфаатларини ҳимоя қилишни

таъминлаш борасида муайян ишлар амалга ошириб келинмоқда. Жумладан, жорий йилнинг ўтган даврида фуқароларнинг ҳуқуқ ва манфаатларини ҳимоя қилиш мақсадида судларга 30 та даъво аризаси, тегишли

идораларга аниқланган қонун бузилиши ҳолатлари, уларнинг сабаблари ва бунга олиб келувчи шарт-шароитларни бартараф этиш тўғрисида 33 та тақдимнома киритилди.

(Давоми иккинчи бетда)

### Qonun ijodkorligi

## Экологик хавфсизликни таъминлаш йўлида

Мустақиллик йилларида мамлакатимизда ҳар бир соҳада ўзига хос ўзгариш ва янгиланишларга йўл очган туб ислохотлар амалга оширилди. Кенг ва раvon йўллар, мухташам бинолар, аҳоли яшаш учун қулай шароитлар мужассам қилинган замонавий уй-жойлар, меъморий жиҳатдан бир-бирини тақрорламайдиган, миллий анъаналар уйғунлашган иншоотлар бугун халқимиз манфаатида хизмат қилмоқда.



Бу каби эзгу ишларни амалга оширишда, мустақкам қонунчилик базаси, жумладан, экологик қонунчиликнинг ҳам ўрни бекиёсдир. Шунингдек, экологик ҳуқуқий механизмнинг таркибий қисми ҳисобланган экологик экспертиза — атроф-муҳит барқарорлигини сақлаш, табиий бойликлардан оқилона фойдаланиш ва аҳолининг экологик хавфсизлигини таъминлашда ҳам муҳим ўрин тутди. Шу боис аҳолининг ҳаёти ва соғлиғи учун зарарли ишлаб чиқариш ва хўжалик объектилари тасирларининг олдини олиш,

уларни бартараф этиш билан боғлиқ чора-тадбирларни амалга оширишда бу механизмдан унумли фойдаланилмоқда.

Утган йил 27 декабрда қабул қилинган "Экологик назорат тўғрисида"ги қонуннинг 20-моддасида белгилаб қўйилганидек, давлат экологик экспертизаси — давлат экологик назоратининг, экологик аудит — ишлаб чиқариш экологик назоратининг, жамоатчилик экологик экспертизасини ўтказиш эса, жамоатчилик экологик назоратининг шаклларида ҳисобланади.

(Давоми учинчи бетда)

Muloqot

# Савол беринг, жавоб берамиз

**Айтинг-чи, суд томонидан тайинланган жарима-ни узрли сабабларга кўра, кейинроқ ёки бўлиб-бўлиб тўлаш мумкинми?**

**Ж.БАХРОМОВ,**  
Тошкент вилояти, Чиноз тумани

— Суд томонидан тайинланган жаримани белгиланган муддатда тўлашни имкони бўлмаса, уни тўлашни кечиктириш мумкин. Лекин бунинг учун жаримани процессуал кодекснинг 533-моддасида белгиланган ҳолатлардан бири мавжуд бўлиши ва шу сабабли судга ҳукм ижросини кечиктириш ёки жаримани бўлиб-бўлиб тўлашга рухсат бериш тўғрисидаги илтимоснома билан мурожаат қилиш лозим.


Ўз навбатида, судья бу масалани ишнинг муайян ҳолатлари ва маҳкуمنىң моддий аҳволини эътиборга олиб, ҳал қилади. Бироқ қонун талабига кўра, ўта хавфли рецидивистларга ва ўта оғир жиноят содир

этган шахсларга нисбатан ҳукм ижроси кечиктирилмайди.

Бундан ташқари жаримани тўлашдан бўйин товладиган бўлса ёки қарздорда ундирув қаратилиши мумкин бўлган мол-мулк мавжуд эмаслиги туфайли мажбурий ижро этиш учун белгиланган муддат мобайнида жаримани ундиришни имкони бўлмаса, шунингдек, кечиктириш мурдатла туганган кейин ҳам жарима тўланмаса ёки жаримани бўлиб-бўлиб тўлаш шартлари бузилса, суд жариманининг тўланмаган миқдорини ахлоқ тузатиш ишлари, хизмат бўйича чеклаш, қамоқ ёки озодликдан маҳрум қилиш тариқасидаги жазо билан алмаштиради.

**Айтинг-чи, суд қарори ижросини таъминлашга лоқайдлик ва эътиборсизлик билан ёндашган ходимларга нисбатан қонунларимизда қандай жавобгарлик белгиланган?**

**Жўракул ИБРАГИМОВ,**  
Пастдарғом тумани, Чортут маҳалласи



— Маълумки, "Суд ҳужжатлари ва бошқа органлар ҳужжатларини ижро этиш тўғрисида"ги қонуннинг 30-моддасида ижро ҳаракатлари ва ижро ҳужжатининг талаблари ижро ҳужжатининг ихтиёрий ижро этилиши учун белгиланган муддат тугангандан эътиборан, кўли билан икки ой муддат ичида, суд ижросини томонидан амалга оширилиши ва ижро этилиши белгиланган.

"Суд ҳужжатлари ва бошқа органлар ҳужжатларини ижро этиш тўғрисида"ги қонуннинг 11-моддасига би-

ноан, уни тўрғич ижро ишини юритиш материаллари билан танишиш, илтимосномалар тақдим этиш, ижро ҳаракатларини содир этишда иштирок этиш, қарши тақлифлар билдириш, суд ижросининг ҳаракатлари (ҳаракатсизлиги) устидан шикоят қилиш ҳуқуқига эга эканлиги белгиланган.

Шунга кўра, агар қарздордан зарар суммасини ундиришни имкони бўлса-да, лекин суд ижросилари томонидан белгиланган муддатларда ижро қилиш ҳаракатлари олиб борилмаганлиги аниқланган тақдирда, ундирувчи суд ижросини ўзининг ишини тегишли тарзда ба-жармаётганлиги ёки ҳаракатсизлиги ҳақида тегишли шикоят билан бўйсунув тартибда юқори турмушчи органга (мансабдор шахсга) ёки судга шикоят қилиши мумкин.

**Мен 2014 йил 14 январь кунини Нукус шаҳридаги машина бозоридан 2011 йилда ишлаб чиқарилган "Ласетти" русумли автомашинани Исфандиёр Оллоёровдан олди-сотди шартномасига асосан нотариал тартибда сотиб олган эдим. Аммо орадан бир ой ўтмай автомашинани жинорий йўл билан топилган даромад эвазига олинган мулк сифатида олиб кўйишди. Айтинг-чи, бундай вазиятда мен автомашинани учун тўлаган пулларимни машина эгасидан қайтариб олишим мумкинми?**

**Махмуд МАТҚУРБОНОВ,**  
Қорақалпоғистон Республикаси,  
Амударё тумани, Қипчоқ маҳалласи

— Маълумки, жиноят қонунчилигида гумон қилинувчи, айбланувчи, судланувчи томонидан жинорий йўл билан орттирилган пуллар ва бошқа бойликлар суднинг ҳукмига биноан жиноят натижасида етказилган мулк зарарни қоплашга ўтказилади, мулклий зарар қўрган шахс аниқланмаган тақдирда ёки эътибори қоплашдан ортаган сумма эса, давлат фойдасига ўтказилади.



Жиноят нарсага бўлмиш мол-мулк учинчи шахсларда топилган, улардан тортиб олинган ва тегишлигига қараб, қайтарилган бўлса, судланувчи томонидан ушбу мол-мулкни сотиш йўли билан орттирилган пуллар, бундан ташқари бошқа бойликлар суд ҳукми билан давлат эгаллигига ўтказилади. Молмулкни инсофли эгалловчи-га бу мол-мулк эгасига қай-

тарилиши натижасида етказилган эътибори ундириш ҳақида маҳкумга нисбатан фуқаровий суд ишларини юритиш тартибда даъво қўзғатиш ҳуқуқи мавжуд. Шунингдек, Фуқаролик кодексининг 1001-моддасига асосан, бошқа шахс (меҳнат мажбуриятларини бажараётган ходим, транспорт воситасини бошқарувчи шахс ва ҳ.к.) томонидан етказилган зарарни тўлаган шахс бу шахсга нисбатан, агар қонунда бошқача миқдор белгиланмаган бўлса, тўланган тоvon миқдорда қайта талаб қилиш (регресс) ҳуқуқи эгаллиги белгиланган.

**Саволларга Олий суд Ахборот-таҳлил бўлими бошлиғи Нишонмурод МИРЗААЛИМОВ жавоб берди.**

(Давоми. Бошланиши биринчи бетда)

**Қадди ҳам, қадри ҳам баланд**

Сўнги йилларда спортчиларимизнинг халқаро мусобақаларда галабага эришиши одатий ҳолга айланди.

Бундай қувончли воқеаларнинг деярли ҳар кунини бўлаётгани ўзбек спортининг жаҳон миқёсда юксак поғонага чиққанидан далолатдир. Аммо бундай натижаларга ўз-ўзиндан эришилмаганини, унинг замирида тинимсиз меҳнат, ҳар жиҳатдан пухта ўйланган, кенг қамровли ва тизимли чоратадбирлар мужассам эканига кўпинча эътибор бермай-миз. Шундай пайларда та-ниқли полвон Аъзам Шокир-жонов айтиб берган бир воқеа эсга тушади.

"Болалигимдан спортга меҳр қўйиб улгайдим, — дейди полвон. — Аммо у пайлар бугунгидай имкони-ярлар қаёқда дейсиз? Халқаро мусобақаларга қатнашиш учун ёқда турсин, спорт билан яхшироқ шуғулланиш учун ҳам шароит йўқ эди. Жаҳон чемпионатлари, Олимпия ўйинлари сингари мусобақаларда қатнашишни-ку орозу ҳам қила олмасдик. 1971 йили Минскда юнон-рум кураши бўйича мусобақа ўтказилганди. Унда галаба қозongan спортчи Олимпия ўйинларида иштирок этиш имконига эга бўларди. Мусобақада галаба қозондим, лекин Олимпияда мени олиб кетишмаган, бу мусобақада қатнашиш менга армон бўлиб қолган".

Аъзам аканинг бу гаплари ўша даврда деярли ҳар бир ўзбек спортчисининг қисмати эди. Иқтидорига рағбат кўрсатилмай, жаҳон миқёсдаги мусобақаларда



(Давоми. Бошланиши биринчи бетда)

Масалан, В.Пак табиий газ учун тўловни амалга оширган бўлса-да, "Сарио-сиётмангаз" филиали томонидан ушбу тўлов ҳисобга олинмагани юзасидан адлия бошқармасига ёзган мурожаати ўрганиб чиқилди. Ҳақиқатан ҳам, 2013 йил 18 декабрь кунини В.Пак томонидан тўланган 620 000 сўм филиал компьютер базасига киритилмагани аниқланди. Ушбу қонунбузилиш ҳолатини бартараф этиш юзасидан киритилган талабномага асосан филиал техник хисобчиси Ў.Ибодулаевга "Ҳайфсан" интизомий жазоси қўлланди. Шунингдек, Фуқаро Н.

# ҚАДДИ КЎРИНГ ЎЗБЕКИСТОН БОЛАЛАРИНИНГ



тин ва кумуш, ўнта бронза медални қўлга киритди. Осиё ўйинлари, жаҳон ва қитъа чемпионатларидаги ютуқларимиз янада салмоқли бўлаётгани спортни ривожлантириш борасидаги тизимли ишлар нақадар тўғри йўлга қўйилганининг самарасидир.

Ўзбекистонга ёзги Олимпия ўйинларининг биринчи олтин медалини келтирган боксчи Муҳаммадқодир Абдуллаев, шахмат бўйича 17-жаҳон чемпиони Рустам Қосимжонов, дзюдо бўйича икки карра жаҳон чемпиони, Пекин ва Лондон Олимпиадалари совриндори Ришод Собиров, бокс бўйича икки карра жаҳон чемпиони, Лондон Олимпиадаси совриндори Аббос Атоев, каноэда эшкак эшиш бўйича икки карра жаҳон чемпиони Вадим Меньков, ўзбек қизлари ўртасида биринчи халқаро гроссмейстер Нафиса Муминова, оғир атлетика бўйича жаҳон чемпиони Руслан Нуриддинов каби спортчиларимизни бугун бутун дунё таниди, уларнинг юксак салоҳиятига тан беради.

Ана шу ака-опаларига ҳавас қилиб, беғубор қалбига жаҳон ареналарида Ватанимиз шарафини муношия химоя қилиш, юрт шаънини тараннум этишдек олий мақсадни жойлаган ёш спортчиларимизнинг мусобақаларда эришаётган натижалари таҳсинга лойиқ. Уларнинг қўлга киритган медалларини санаб ҳам, ҳисоблаб ҳам адоғига етиш қийин.

2014 йилнинг ўтган даврида ўсмирларимиз бокс бўйича Болгарияда, бадий гимнастика бўйича Малайзияда, спорт гимнастика бўйича мамлакатимизда, трамплин бўйича Японияда, оғир атлетика, юнон-рум ва хотин-қизлар кураши бўйича Таиландда, ўқ отиш бўйича Кувайтда, таэквондо бўйича Хитой Тайпейда, сузиш бўйича Беларусда ташкил этилган жаҳон ва Осиё чемпионатлари, нуфузли турнирларда муваффақиятли иштирок этиб, шу

йил 16-28 август кунлари Хитойнинг Нанкин шаҳрида бўладиган ўсмирлар ўртасидаги II Олимпия ўйинлари йўланмаларига эга бўлди. — Бизни олдинда ўта масъулиятли мусобақа — II ўсмирлар Олимпиадаси кутмоқда, — дейди бокс бўйича ўсмирлар ўртасида жаҳон чемпиони Бектемир Мелиқузиев. — Ушбу нуфузли спорт анжуманида муваффақиятли иштирок этиб, Ватанимиз муқтадирлигининг 23-йилли-гига муносиб совга хозирлашни ният қилганман.

Ўтган йили шахмат бўйича 8 ёшгача ўғил болалар ўртасида жаҳон чемпиони бўлган Нодирбек Абдусатторовга ҳавас қилган ака-ука Исломбек ва Жаҳоҳир Синдороров орадан ҳеч қанча вақт ўтмай ана шундай юксак натижага эришди. Грециянинг

Кавала шаҳрида мактаб ўқувчилари ўртасида ўтказилган рапид ва блиц шахмат бўйича жаҳон чемпионатида Исломбек ва Жаҳоҳир иккитадан олтин медални қўлга киритди. Ёш жаҳон чемпиони Президентимиз Ислам Каримов томонидан энг сўнги русумдаги замонавий компьютерлар билан тақдирланди.

Эркин ва обод, тинч ва осойишта юрдада воғга етаётган ўғил-қизлар ўз ҳаётини Ватани рағбат, эл-юртининг обрўсига дахлдор, деб билади. Бу йўлда билим ва салоҳиятини, истеъдоду иқтидорини аямайди. Бундай авлодни ҳеч ким енга olmayди, унинг қадди ҳам, қадри ҳам доимо баланд бўлади.

**Байрам АЙТМУРОВОВ,**  
ЎЗА шарҳловчиси

Qonun ko'magi

## Ҳар бир мурожаат эътиборда

улар қонун доирасида ҳал этилмоқда

Амнотурдиеваннинг туғуруқ таътилидан қайтган, ишга қабул қилинмаётгани юзасидан адлия бошқармасининг "Ишон" телефонига қилган мурожаати юзасидан Республика "Саломатлик ва тиббий статистика" институтининг Сурхондарё вилояти филиалига тақдимнома киритилди. Ушбу тақ-диномага асосан, Н.Аман-

турдиеваннинг ишга қабул қилиниши таъминланди. Бундан ташқари Ж.Чориевнинг Ангор туманидаги 15-умумий ўрта таълим мактаби директори томонидан асосий равишда ишдан бўшатирилган тўғрисидаги мурожаати ҳам ўрганиб чиқилди. Ушбу мурожаатни ўрганиш жараёнида Ж.Чориев ўз ишига тикланди.

Ҳаётда зиммасидаги бурчга ҳамisha масъулият билан қарайдиган, қонун талаби асосида фаолият юритадиган, бир сўз билан айтганда, ҳалолликни асосий мезон деб биладиган киши ҳеч қачон кам бўлмайди. Айниқса, раҳбар ходимнинг бурчига садоқати, фидойилиги жамоа муваффақиятини мунглиқ саноқли қилиб беради. Бунинг акси бўлганда, яъни зиммасидаги масъулиятни унутиб қўядиган, мансаб ваколатини сунистеъмол қилиб, турли хил қинғир ишларга қўл урадиган киши охири-оқибат қонун олдида жавоб беради.

Айтиш керакки, амалдаги қонунларимизда ҳам бундай жинорий қилмишларга нисбатан тегишли жазо белгилаб қўйилган. Жумладан, Жиноят кодексининг 207-моддасида мансабга совуққонлик билан қараш жиноятини содир этган шахсларга нисбатан жавобгарлик қайд этилган. Унга кўра, мансабга совуққонлик билан қараш, яъни мансабдор шахснинг ўз вазифаларига лоқайдлик билан муносабатда бўлиши оқибатида уларни бажармаслиги ёки лозим даражада бажармаслиги, фуқароларнинг ҳуқуқлари ёки қонун билан қўриқланадиган манфаатларига ёхуд давлат ёки жамоат манфаатла-

рига кўп миқдорда зарар ёки жиддий зиён етказилишига сабаб бўлса — энг кам ойлик иш ҳақининг юз бараваригача миқдорда жарима ёки раваригача миқдорда зарар ёки жиддий зиён етказилишига сабаб бўлса — энг кам ойлик иш ҳақининг юз бараваридан уч юз бараваригача миқдорда жарима ёки беш йилгача муайян ҳуқуқдан маҳрум қилиш ёхуд икки йилгача ахлоқ тузатиш ишлари ёки уч йилгача озодликдан маҳрум қилиш билан жазоланади. Ушбу ҳақиқат: а) такроран ёки хавфли рецидивист томонидан; б) уюшган гуруҳ манфаатларини кўзлаб содир этилган бўлса — энг кам ойлик иш ҳақининг уч юз бараваридан олти юз бараваригача миқдорда жарима ёки уч йилгача муай-

Шунингдек, адлия бошқармаси томонидан Ангор туманидаги 15-умумий ўрта таълим мактаби собиқ директори Х.Раҳмоновга нисбатан Ж.Чориевнинг бекор юрган вақти учун 287 188 сўм иш ҳақи, 200 000 сўм маънавий зарар ундириш тўғрисида Фуқаролик ишлари бўйича Шеробод туманлараро судига даъво ариза-

си киритилди. Суднинг қарорига асосан Х.Раҳмоновнинг ҳисобидан Ж.Чориевнинг фойдасига бекор юрган вақти учун 287 188 сўм иш ҳақи, 50 000 сўм маънавий зарар ундирилди. Хулоса ўрнида айтганда, фуқароларнинг Конституцияимизда белгиланган ҳуқуқлари ва қонуний манфаатлари амалда самарали таъминланаётгани жамиятда қонун устуворлиги ва адолат тамойиллари барқарорлигига хизмат қилмоқда. **Дилшод ҲАКИМОВ,** Сурхондарё вилоят адлия бошқармаси Инсон ҳуқуқларини ҳимоя қилиш бўлими бош маслаҳатчиси

Jinoyat va jazo

## Ҳалолликда

ян ҳуқуқдан маҳрум қилиб, беш йилгача озодликдан маҳрум қилиш билан жазоланади. Шу ўринда фикримизни мисоллар билан давом эттирадиган бўлсак, яқинда жиноят ишлари бўйича Булунгур тумани судининг очик суд мажлисида Жиноят кодексининг 167-моддаси "а" банди, 207-моддаси 1-қисми ва 209-моддаси 2-қисми "а" банди билан айбдор деб топилган Абдуқодир Беғалиевнинг (исм-шарифлар ўзгартirilган) жиноят иши кўриб чиқилди. Маълум бўлишича, А.Беғалиев 2004 йилнинг май ойидан 2010 йил январь ойига қадар Булунгур туман бюджетдан ташқари пенсия жағмармаси бошлиғи лавозимида фаолият юритиб келган.



